

**AKT THEMELIMI DHE STATUTI**  
**I SHOQËRISË ME PËRGJEGJËSI TË KUFIZUAR**  
**“E-B” sh.p.k**

Sot, më datë 03.10.2023, në Tiranë, Shqipëri, personi mëposhtë:

1. Elvis Burimi, i biri i Engjëllit, lindur në Tiranë, dhe banues në Tiranë, mbajtës i kartës së identitetit me nr.personal I70428081B

Në përputhje me Ligjin Nr. 9901, datë 14.04.2008 ”Për Tregtarët dhe Shoqëritë Tregtare”, i ndryshuar dhe me legjislacionin e Republikës së Shqipërisë, vendos të krijojë një Shoqëri me Përgjegjësi të Kufizuar të emëruar “E-B” shpk, duke nënshkruar këtë Akt Themelimi dhe Statut. Aktiviteti i kësaj Shoqërie do të rregullohet nga Statuti i saj, i cili është i njëjtë dokument me Aktin e Themelimit, si vijon:

**KAPITULLI I**

**EMRI, FORMA E SHOQËRISË, SELIA, OBJEKTI, KOHËZGJATJA**

**Neni 1**

**Themelimi**

- 1.1 Emri i shoqërisë është “E-B” shpk .
- 1.2 Shoqëria është themeluar në formën e shoqërisë me përgjegjësi të kufizuar, në përputhje me legjislacionin shqiptar.
- 1.3 Shoqëria fiton personalitet juridik me regjistrimin në Qendrën Kombëtare të Regjistrimit.
- 1.4 Shoqëria do të ushtrojë aktivitetin e saj në përputhje me legjislacionin shqiptar dhe Statutin e saj.

**Neni 2**

**Selia**

- 2.1 Selia e Shoqërisë ndodhet në adresën: *Njesia Bashkiake nr.2 ,rruga Elbasanit, Pallati Park Gate, kati 1, Tiranë, Shqipëri.*
- 2.2 Shoqëria mund të themelojë dege, filiale dhe/ose zyra përfaqësimi brenda territorit të Republikës së Shqipërisë dhe/ose në shtete të tjera, në përputhje me ligjet e zbatueshme dhe Statutin.

**Neni 3**

**Objekti**

Shoqëria ka objekt veprimtarie:

- 3.1 Bar- Restoran-Piceri, Delivery, Catering. Aktiviteti i Shoqërise do të jetë Non-Stop.



3.2 Shoqëria gjithashtu do të kryejë dhe duke mos u kufizuar vetëm në aktivitetet e mëposhtme:  
Sipërmarrje dhe realizimi i çfarëdolloj aktiviteti të ligjshëm në përputhje me ligjin, për nevoja te veta dhe për të tretë.

#### Neni 4

#### Kohëzgjatja

Kohëzgjatja e aktivitetit të shoqërisë është **10 (dhjetë) vjet**.

### KAPITULLI II

## KAPITALI FILLESTAR THEMELTAR, KONTRIBUTET, KUOTAT-PJESËT E KAPITALIT

#### Neni 5

#### Kapitali Themeltar dhe Ortakët

**5.1 Elvis Burimi**, i biri i Engjellit, lindur në Tiranë, dhe banues në Tiranë, mbajtës i kartës së identitetit me nr.personal I70428081B , zotërues i një kuote të vetme të shoqërisë, duke përfaqësuar **100% (njeqind për qind)** të kapitalit themeltar me të drejte vote.

- 5.1 Kapitali themeltar i shoqërisë është me vlerën 10000 leke dhe i ndarë në 1(nje) kuote.
- 5.2 Kapitali themeltar i shoqërisë zotërohet nga ortaku i mëposhtëm:
  - i. **Elvis Burimi**, i biri i Engjellit, lindur në Tiranë, dhe banues në Tiranë, mbajtës i kartës së identitetit me nr.personal I70428081B, zotërues i një kuote të vetme të shoqërisë me vlerën 10000 lekë ose 100 % (njeqind për qind) të kapitalit themeltar me të drejte vote.
- 5.3 Kapitali themeltar nënshkruhet dhe shlyhet me kontribute nga ortakët themelues te shoqërisë.Përgjegjësia e ortakëve shtrihet deri në shumën e kontributit të tyre në kapitalin e shoqërisë.

#### Neni 6

#### Transferimi i kuotave, Zmadhimi dhe Zvogëlimi i Kapitalit

1. Ortaku në mënyrë të pakushtëzuar, mund t'ia transferojë pjesët e tij në kapitalin e shoqërisë çdo pale të tretë.
2. Kapitali themeltar mund të zmadhohet ose zvogëlohet nga Asambleja e Përgjithshme me  $\frac{3}{4}$  e votave.
3. Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe në natyrë si dhe nga financime te ortakut, nëpërmjet emërimit nga Asambleja e Përgjithshme të një eksperti të autorizuar për këto kontribute sipas kërkesës së administratorit/ve.

## KAPITULLI II

### ORGANET DREJTUESE TË SHOQËRISË

#### Neni 7

##### **Asambleja e Përgjithshme**

- 7.1 Asambleja e Përgjithshme është organi me i lartë vendimmarrës i Shoqërisë. Vendimet e Asamblesë së Përgjithshme, në përputhje me legjislacionin në fuqi dhe me dispozitat e këtij Statuti, janë të detyrueshme Ortakun ose Ortakët, pavarësisht janë apo jo të pranishëm në mbledhje, janë apo jo dakord me këto vendime.
- 7.2 Asambleja e Përgjithshme ka funksionet e mëposhtme:
- Përcakton politikat tregtare dhe ekonomike të Shoqërisë dhe mbikëqyr zbatimin e këtyre të fundit nga administratorët;
  - Emëron dhe shkarkon administratorët;
  - Emëron dhe shkarkon ekspertin(et) kontabël dhe/ose likuiduesin(et) e Shoqërisë;
  - Përcakton shpërblimin e administratoreve, eksperteve kontabël dhe likuiduesve;
  - Miraton pasqyrat financiare vjetore dhe raportet e ecurisë së veprimtarisë të përgatitura nga administratorët;
  - Merr vendim për ndryshimet e këtij Statuti dhe të Aktit të Themelimit;
  - Merr vendim për zmadhimin ose zvogëlimin e kapitalit të Shoqërisë;
  - Merr vendim për shpërndarjen e fitimeve dhe mbulimin e humbjeve;
  - Merr vendim për riorganizimin e Shoqërisë ose prishjen e saj;
  - Merr vendim për çdo çështje tjeter të parashikuar nga ligji.

#### Neni 8

##### **Thirrja e Asamblesë së Përgjithshme**

- 8.1 Mbledhja e Asamblesë së Përgjithshme mund të thirret nga Administratori(rët), Ortaku apo secili prej Ortakeve sipas legjislacionit në fuqi.
- 8.2 Mbledhja e Asamblesë së Përgjithshme zhvillohet normalisht në selinë e Shoqërisë ose në një vend tjeter brenda ose jashtë Republikës së Shqipërisë.
- 8.3 Asambleja e Përgjithshme shprehet në mënyrë të veçantë për çdo çështje të rendit të ditës, për të cilën duhet të merret një vendim i veçantë.
- 8.4 Ortaku apo Ortakët mund të marrin pjesë në Asamblenë e Përgjithshme personalisht ose nëpërmjet përfaqësuesit të autorizuar me prokurë. Administratori(et) e Shoqërisë nuk mund të përfaqësojnë Ortakun apo Ortakët në Asamblenë e Përgjithshme.



## Neni 9

### Procesi i vendimmarrjes

9.1 Asambleja e Përgjithshme mblidhet sa herë që është e nevojshme, por në çdo rast të paktën një herë në vit.

9.2 Asambleja e Përgjithshme quhet e mbledhur rregullisht kur janë të pranishëm Ortakët që zotërojnë më shumë se 30% të kapitalit të Shoqërisë. Në mungese të kuorumi të kërkuar, mbledhja shtyhet me të njëjtin rend dite.

9.3 Asambleja e Përgjithshme merr vendime me shumicë të thjeshtë në lidhje me çështje për të cilat ligji nuk kërkon një shumicë të cilësuar, përcaktuar në pikën 9.4 më poshtë.

9.4 Asambleja e Përgjithshme vendos me shumicë të cilësuar prej 3/4 e votave të ortakëve të pranishëm në lidhje me:

- i. Ndryshimin e Statutit;
- ii. Rritjen dhe zvogëlimin e kapitalit;
- iii. Shpërndarjen e fitimeve dhe mbulimin e humbjeve;
- iv. Riorganizimin dhe prishjen e Shoqërisë.

9.5 Asambleja e Përgjithshme për vendimet sipas pikës 9.4 quhet e mbledhur rregullisht kur janë të pranishëm Ortaket që zotërojnë më shumë se 50% të kapitalit të Shoqërisë. Në mungesë të kuorumi të kërkuar, mbledhja shtyhet për 30 (tridhjetë) ditë, me të njëjtin rend dite.

## Neni 10

### Administratori

10.1 Shoqëria administrohet nga 1 (një) ose disa administrator bashkërisht, të emëruar nga Asambleja e Përgjithshme.

10.2 Administratori i parë i Shoqërisë është:

10.3 **Elvis Burimi**, i biri i Engjëllit, lindur në Tiranë, dhe banues në Tiranë, mbajtës i kartës së identitetit me nr.personal I70428081B, Mandati i Administratorit është për një periudhë 5 (pesë) vjeçare, i rinovueshëm, dhe, nëse është rasti, vazhdon deri në vendimin e ardhshëm të Asamblesë së Përgjithshme që do të marrë në lidhje me rinovimin e mandatit të tij apo emërimin administratorit të ri.

10.4 Shoqëria përfaqësohet ndaj të tretëve nga Administratori.

10.5 Përveçse kur parashikohet ndryshe me vendimin përkatës të Asamblesë së Përgjithshme për emërimin administratorit, administratori ka të drejtat dhe detyrimet e mëposhtme:

- Administrimin e veprimtarisë së Shoqërisë duke zbatuar politikat tregtare dhe ekonomike të përcaktuara nga Asambleja e Përgjithshme;



- Përfaqësimin e Shoqërisë në marrëdhënie me çdo palë të tretë;
- Marrjen e masave për hartimin dhe mbajtjen në mënyrën e duhur të pasqyrave financiare dhe të dokumenteve:
- Përgatitjen dhe nënshkrimin e pasqyrave financiare vjetore dhe bilanceve të konsoliduar, përgatitjen e raportit të ecurisë dhe dorëzimin e këtyre të fundit bashkë me propozimin përkatës për shpërndarjen e fitimeve Asamblesë së Përgjithshme;
- Krijimin e sistemit të paralajmërimit në lidhje me rrethanat të cilat kërcënojnë veprimtarinë e Shoqërisë;
- Dorëzimin në Qendrën Kombëtare të Regjistrimit të dokumenteve dhe të dhënavë të Shoqërisë, përveç rasteve kur ligji parashikon ndryshe;
- Raportimin ne Asamblenë e Përgjithshme të Ortakëve ne lidhje me zbatimin e politikave tregtare të Shoqërisë dhe ne lidhje me përbushjen e transaksioneve të një rëndësie të veçantë për ecurinë e Shoqërisë;
- Kryerjen e çdo detyre tjeter të parashikuar nga ligji ose ky Statut.

10.6 Administratori mund të autorizojë nëpërmjet një prokure një palë të tretë të përfaqësojë Shoqerinë dhe të nënshkruajë çdo dokument, kërkesë ose aplikim në emër dhe përllogari të Shoqërisë.

10.7 Administratori detyrohet të kryejë detyrat e tij të përcaktuara në ligj ose në statut në mirëbesim e në interesin më të mirë të Shoqërisë në tërësi.

10.8 Administratori është përgjegjës ndaj Shoqërisë për çdo dëm të shkaktuar si pasojë e mos përbushjes së detyrimeve të parashikuara nga dispozitat e këtij Statuti dhe legjislacioni në fuqi.

### Neni 11

#### **Ekspert(et) Kontabël të jashtëm**

Pasqyrat financiare të Shoqërisë do të auditohen të paktën një herë në vit nga një apo më shumë, ekspert kontabël të jashtëm. Me marrjen në dorëzim të raportit përkatës të auditimit administratori i Shoqërisë do të marrë të gjitha masat përkatëse për ndreqjen e parregullsive të konstatuara nëpërmjet raportit.


### KAPITULLI IV

#### **VITI FINANCIAR – SHPËRNDARJA E FITIMEVE**

### Neni 12

#### Viti Financiar

12.1 Viti financiar fillon më datë 1 Janar dhe përfundon në 31 Dhjetor të çdo viti kalendarik. Në përfundim të vitit kalendarik Administratori harton pasqyrat financiare të Shoqërisë në përputhje me ligjet në fuqi.



12.2 Përjashtimisht, viti i parë finansiar fillon me regjistrimin e shoqërisë në Qendrën Kombëtare të Regjistrimit dhe përfundon më 31 Dhjetor 2023.

### Neni 13

#### Shpërndarja e fitimeve

Pas miratimit të pasqyrave financiare dhe në rast se janë realizuar fitime ose humbje, Asambleja e Përgjithshme vendos në lidhje me shpërndarjen e fitimeve, krijimin e rezervave ligjore sikur edhe mbulimin e humbjeve. Pavarsisht kuotave, ndarja e fitimeve realizohet sipas vendimit të Asamblesë së Përgjithshme, kur kanë nënshkruar 100% e ortakëve të shoqërisë.

### KAPITULLI V

## PRISHJA DHE LIKUIDIMI I SHOQËRISË

### Neni 14

#### Prishja dhe Likuidimi

Në rast se Asambleja e Përgjithshme vendos për prishjen e Shoqërisë, ajo kalon në likuidim të thjeshtëzuar dhe do të emërojë një ose më shumë likuidues.

### KAPITULLI VI

## DISPOZITA PËRFUNDIMTARE

### Neni 15

#### Ligji i zbatueshëm

Për të gjitha çështjet që nuk parashikohen në këtë statut do të zbatohen dispozitat përkatëse të legjislacionit shqiptar në lidhje me shoqëritë tregtare.

### Neni 16

#### Të ndryshme

Ky Statut është hartuar dhe nënshkruar në 2 (dy) kopje origjinale në gjuhën shqipe, me të njëjtën vlerë secila.

### ORTAKU

“E-B” sh.p.k

Elvis Burimi

